

Mazarin  
2905

Le Pronostic ...



RARE BOOK  
COLLECTION



THE LIBRARY OF THE  
UNIVERSITY OF  
NORTH CAROLINA  
AT  
CHAPEL HILL

Mazarin  
2905

UNIVERSITY OF N.C. AT CHAPEL HILL



00023007032



LE PRONOSTIC  
S V R  
LES AFFAIRES  
de nostre temps.



A PARIS,  
Chez MICHEL METTAYER, Imprimeur ordi-  
naire du Roy, demeurant en l'Isle Nostre Dame  
sur le Pont Marie, au Cigne.  
M. DC. XLIX.



THE PROTESTANT

THE AFRICAN

18

621949



# LE PRONOSTIQUE

## sur les affaires du temps.

**L'**Ong-temps deuant que les guerres ciuiles  
 Brouillassent France, on vit parmy nos villes  
 Errer soudain des hommes incogneus,  
 Barbus, crineux, crasseux & demy-nus,  
 Qui transportez de noire frenaisie  
 En plain marché, ou dans vn carrefour,  
 Dés le matin iusqu'au coucher du iour,  
 Hurlans, crians, tirans de place en place  
 A leurs talons, enfans & populace.

Non seulement le peuple sans raison,  
 Pour les ouyr sortoit de sa maison:  
 Mais les plus grands & les plus sages furent  
 Ceux qui par crainte à table les receurent  
 Deuooteux (croyans en verité  
 Que par leur voix parloit la Deité)  
 Fust Huguenot, fust neutre, ou fust Papiste.  
 L'un se disoit sainct & Iean l'Euangeliste,  
 Qui se vantoit, fantastique d'esprit,  
 D'auoir dormy au sein de Iesus-Christ.  
 Bien que son art fust de fondre le cuiure,  
 Vray Alchimiste, & qu'il apprint à viure  
 Aux idiots: luy mesmes ne sceut pas  
 Viure pour luy ny preuoir son trespas,



Soit qu'il mourust par vice ou par simplesse.

Vn qui crioit enflé de hardiesse,  
 La Monarchie, & Cesar se vantoit,  
 Vint apres luy. il disoit qu'il estoit  
 Ce grand Cesar, qui au fil de l'espée  
 Par sang ciuil baigna Rome & Pompée.  
 Ce folestoit de nation Sicilien  
 Qui soustenoit vne boule en sa main,  
 Et sur le chef vn fourré diadème.  
 Lors ie disois tout penlif en moy-mesme:  
 Assez & trop nostre France a de fous,  
 Sans que le Tybre en respande sur nous:  
 Sans nous donner vn Cesar, qui l'Empire  
 Fist tresbucher, & qui nous vient predire  
 Vn changement ou d'Estat ou de loix.

Après luy vint le bon Roy des Gaulois,  
 Iadis pedant, qui auoit la pensée  
 Et la raison à demy renuersée  
 Et qui tirant tout Paris apres soy,  
 Des vieux Gaulois se vantoit d'estre Roy.

Or quand on voit que tout soudain vn homme  
 Refue, raddotte & penlif se consomme,  
 D'yeux saffranéz, de lourcils renfrongnez,  
 D'ongles crasseux, de cheueux mal peignez,  
 Passe, boufu, d'espouuanteuse ceillade,  
 On dit qu'il est, ou qu'il sera malade,  
 Pour ce qu'on voit les signes par dehors  
 Nous telmoigner les passions du corps.

Ainsi voyant tant de sectes nouuelles  
 Et tant de fols, tant de creuses ceruelles,

Tant

RBC/Neu

RBC/Neu



Tant d'Almanachs qui d'un langage obscur  
 Comme Demons annoncent le futur:  
 Et quand on voit tant de monstres difformes,  
 Qui en naissant prennent diuerſes formes,  
 Les pieds à haut, la teſte contrebas,  
 Enſans morts-nez, chiens, veaux, aignaux & chats  
 A double corps, trois yeux & cinq oreilles:  
 Bref, quand on voit tant d'eſtranges merucilles,  
 Qui tout d'un coup paroiffent en maints lieux,  
 Monſtres non veus de nos premiers ayeux,  
 C'eſt ſigne ſeur qu'incontinant la terre  
 Doit ſouſtenir la famine & la guerre,  
 Les fleaux de Dieu qui marchent les premiers,  
 Du changement certains auant-couriers.

Ou ſoit que Dieu, comme en lettres de chiffre  
 Douteuſement ſon vouloir nous d'échifre  
 D'un caractere obscur & mal ayſé.  
 Soit qu'un Demon de ſoy-meſme auſé  
 Qui vit long temps, & a veu mainte choſe,  
 Voyant le Ciel qui les Aſtres diſpoſe  
 A bien ou mal, comme il veut les virer  
 Se meſſe en l'homme, & luy vient inspirer,  
 En le troublant, vne parole obscure,  
 Soit que cela ſe face d'auenture,  
 I'en'en ſcay rien: l'homme qui eſt humain  
 Ne tient de Dieu le ſecret en la main.  
 Mais ie ſcay bien que Dieu qui tout ordonne,  
 Par ſignes tels teſmoignage nous donne  
 De ſon courroux, & qu'il eſt irrité  
 Contre le Prince, ou contre la Cité;



Où le peché se moque de la peine:  
 D'exemples tels la Bible est toute pleine.  
 Dieu t'appelle à ce fait: courage ie te prie:  
 Le monde enforcele de vaine piperie  
 Ne pourra resister: tout va de pis en pis  
 Et tout est renuersé des grands iusqu'aux petits.  
 La foy avecque sa sœur de la terre est bannie,  
 Et regnent en leur lieu, luxure & gloutonnie:  
 L'exterieur n'a dominé en tout ce monde icy,  
 Et de l'interieur perlonne n'a soucy.

Ainsi disoit ce monstre, & arrachant soudain  
 Vn serpent de son dos, le ietta dans le sein  
 De Luther éronné: le serpent se desrobe,  
 Qui glissant lentement par les plis de la robe  
 Entre sous la chemise, & coulant sans toucher  
 De ce Moyne abusé ny la peau ny la chair,  
 Luy souffle viuement vne ame serpentine,  
 Et son venim mortel vomilt en la poitrine,  
 L'enracinant au cœur, puis faisant vn grand bruit  
 D'escailles & de dents, comme vn songe s'enfuit.

Il a ces pieds de vent, & dessus les aisselles,  
 Comme vn Moistre emplumé, porte de grandes ailes.  
 Il a la bouche ouuerte, & cent langues dedans,  
 Sa poitrine est de plomb, ses yeux prompts & ardans,  
 Tout son chef est de verre, & a pour compaignie  
 La ieunesse, l'erreur, l'orgueil & la manie.

De là sont procedez les maux que nous auons  
 De là vient le discours qu'abusez nous suyuous,  
 De là vient que le fils fait la guerre à son pere,  
 La femme à son mary, & le frere à son frere,



A l'oncle le nepueu: de là sont renuersez,  
Les Conciles sacrez des vieux siecles passez.

Mais en bref, ô Seigneur tout puissant & tout fort,  
Par ta sainte bonté tu rompras leur effort,  
Tu perdras leur conseil, & leur force animée  
Contre ta Maiesté enuoyras enfumée:  
Car tu n'est pas l'appuy ny l'amy des larrons.  
C'est pourquoy ton secours en bref nous esperons:  
La victoire des camps ne despend de nos armes,  
Du nombre des pietons, du nombre des gendarmes:  
Elle gist en ta grace, & t'a dextre des cieux  
Fait celuy que tu veux icy victorieux.

Nous sçauons bien, Seigneur, que nos fautes sont  
grandes,  
Nous sçauons nos pechez: mais Seigneur ta demande  
Pour satisfaction vn courage contrit,  
Vn cœur humilié, vn penitent esprit.

Et pource, Seigneur Dieu, ne punis en ton ire  
Ton peuple repentant qui lamente & souspire,  
Qui te demande grace, & par triste melchef  
Les fautes de ses Roys ne tourne sur son chef.

Vous Royne en departant les dignitez plus hautes,  
Des Rois vos deuanciers ne faites pas les fautes,  
Qui sans sçauoir les mœurs de celuy qui plus fort  
Se hastoit de piquer & d'apporter la mort,  
Donnoient le benefice, & sans sçauoir les charges  
Des loix de Iesus-Christ, en furent par trop larges,  
Lesquels au temps passé ne furent ordonnez  
Des premiers fondateurs, pour estre ainsi donnez.

Madame, il faut chasser ces gourmandes harpyes,



Je dis ces importans, dont les griffes remplies  
 De cent mille morceaux tendent tousiours la main :  
 Et tant plus ils sont saouls tant plus meurent de faim  
 Esponges de la cour, qui succent & qui tirent,  
 Plus ils creuent de biens, & plus ils en desirent

Vos grandeurs, vos honneurs, vos gloires des-  
 pouillez,

Soyez moy de vertus non de soye habillez,  
 Ayez chaste le corps, simple la conscience :  
 Soit de nuit, soit de iour, apprenez la science,  
 Gardez entre le peuple vne humble dignité,  
 Et ioignez la douceur avec la grauité.

E I N.







